

**BOSNA I HERCEGOVINA
FEDERACIJA BOSNE I HERCEGOVINE PARLAMENT FBIH
PREDSTAVNIČKI DOM**

*(Ime i prezime zastupnika/ce
u) Zastupničkom domu
ispred Kluba (naziv kluba)
Parlament FBiH*

Sarajevo, _____. godine

**PARLAMENT FEDERACIJE BiH
Predstavnički dom
n/r Mirjana Marinković - Lepić, predsjedavajuća**

**Predmet: Prijedlog zakona o izmjeni Zakona o izdvajanju i usmjeravanju dijela
Prihoda preduzeća ostvarenih radom termoelektrana - skraćeni postupak**

U skladu sa članom 11 i članom 172. Poslovnika Zastupničkog doma FBiH („Službene novine Federacije BiH, broj 69/07; 2/08 i 26/20), kao ovlašteni predlagač, dostavljam Prijedlog zakona o izmjeni Zakona o izdvajanju i usmjeravanju dijela Prihoda preduzeća ostvarenih radom termoelektrana - skraćeni postupak, radi razmatranja i usvajanja u Parlamentu FBiH.

Predlažem da se Prijedlog zakona razmatra po skraćenom postupku obzirom da je riječ o izmjeni koja nije složena i opsežna. Usvajanje predmetnog Zakona je potrebno kako bi se sredstva koja su dobivena po osnovu rada termoelektrana, a koje svojim radom neposredno ugrožavaju i zagađuju prvenstveno zrak u jedinicama lokalne samouprave na koje se ovaj Zakon i odnosi, ubuduće koristila namjenski za projekte koji direktno doprinose smanjenju aerozagađenja. U obrazloženju predmetnog zakona dajem detaljna pojašnjenja ovih navoda da se Zakon usvoji.

U prilogu Vam dostavljam tekst Prijedloga zakona sa obrazloženjem, te elektronsku verziju Prijedloga zakona.

Prijedlog

Na osnovu člana IV. 4. a) Ustava Bosne i Hercegovine, Zastupnički dom Parlamenta Federacije Bosne i Hercegovine na _____. sjednici Zastupničkog doma, održanoj _____. 2023.godine, i na sjednici Doma naroda, održanoj _____.2023.godine, usvojila je

ZAKON O IZMJENI ZAKONA O IZDVAJANJU I USMJERAVANJU DIJELA PRIHODA PREDUZEĆA OSTVARENIH RADOM TERMoeLEKTRANA

Član 1.

U Zakonu o izdvajanju i usmjeravanju dijela prihoda preduzeća ostvarenih radom termoelektrana ("Službene novine FBiH", broj:80/14) član 6., stav (1) mijenja se i glasi: finansiranje ili učešće u finansiranju projekata iz oblasti smanjenja aerozagađenja, zaštite okoliša, energetske efikasnosti, proširenje infrastrukture daljinskog grijanja, upotrebe solarne i toplotne energije (toplotne pumpe) u iznosu od najmanje 80% uplaćenih sredstava.

Član 2.

Ovaj zakon stupa na snagu osmog dana od dana objavljivanja u "Službenim novinama Federacije BiH" .

Predlagač

OBRAZLOŽENJE ZA DONOŠENJE ZAKONA O IZMJENI ZAKONA O IZDVAJANJU I USMJERAVANJU DIJELA PRIHODA PREDUZEĆA OSTVARENIH RADOM TERMoeLEKTRANA

I - USTAVNI OSNOV

Ustavni osnov za donošenje ovog zakona su odredbe člana III.1.tač. b) i f) Ustava Federacije BiH, koji je izmijenjen amandmanima VIII, LXXXIX i CVI na Ustav Federacije Bosne i Hercegovine u odredbi člana IV. A.20. (1) d) Ustava Federacije Bosne i Hercegovine, prema kojima je u isključivoj ovlasti Federacije utvrđivanje ekonomske i energetske politike, a Parlament Federacije Bosne i Hercegovine, uz ostale ovlasti predviđene Ustavom, odgovoran je za donošenje Zakona o vršenju funkcija federalne vlasti.

II-OBRAZLOŽENJE ZA DONOŠENJE ZAKONA

Nivo Federacije BiH u velikoj mjeri daje značajna sredstva lokalnim zajednicama na ime naknade štete zbog zagađenja koje proizvode termoelektrane. Ta sredstva bi se trebala koristiti u svrhu smanjenja aerozagađenja i poboljšanja životne sredine. Evidentno je da se uplaćena sredstva najviše koriste, a u skladu sa Zakonom, na projekte koji ne smanjuju aerozagađenje, iz kojeg razloga je dana mogućnost lokalnim zajednicama da koriste sredstva za bilo kakve projekte. Predloženim novim stavom (1), člana 6. Zakona, obezbjedit će se da se dodijeljena sredstva koriste u najvećem dijelu za smanjenje aerozagađenja koje proizilazi iz rada termoelektrana.

III-OBRAZLOŽENJE PREDLOŽENIH RJEŠENJA

Predloženom izmjenom Zakona, odnosno uvođenjem novog stava (1) u članu 6. ovog Zakona obavezaće se jedinice lokalne samouprave, na koje se Zakon odnosi i primjenjuje, da namjenska sredstva koja su predviđena za ublažavanje posljedica koje iste trpe zbog rada termoelektrana u najvećem dijelu (80%) planiraju i troše prvenstveno na namjenske projekte koji će direktno uticati na smanjenje aerozagađenja. Plansko i namjensko trošenje ovih sredstava, u skladu sa predloženom izmjenom, ispuniće svrhu i smisao postojanja ovakvog Zakona. Usvajanje ove izmjene Zakona imaće višestruke koristi za građane i građanke u jedinicama lokalne samouprave koje su pogođene aerozagađenjem, a koje će se između ostalog osjetiti u oblastima zdravstva, ekonomije, kao i ukupno u kvaliteti života koja je značajno narušena posebno u zimskim mjesecima.

IV - FINANSIJSKA SREDSTVA

Za provođenje ovog zakona nije potrebno osigurati dodatna sredstva iz Budžeta FBiH.